

վասն այն որ ամէն օր երթայ ի բանսն եօթ-
լամիչ եւ թէչլիչ կ'անէ . ու կու քննէ հարցնէ ,
թէ վասն է՞ր զընտանած են . կամ թէ քանի՞ 215
տարի է որ կայ . եւ թէ սուչսուչ եւ անվնա՞ս
է : Քանզի շատ կու լինի որ անմեղ , անճա-
րակ , անլեղու զարիպ մարդիք կամ աղքատ
'ւ անտէր ճար չունին , ոչ ծանօթ , ոչ մարդ ,
այնպէս մնան ի բանսն քանի տարի , զի մեծ 220
զնտան է , որպէս Պապաճաֆարն . նա երթայ
առ դատաւորն եւ հանէ :

ԺԵ . զի երբեմն եւ թաղաւորաց խաղինայ
առաքէ , երբ մեծ սէֆէր ունին հետ թուրքի
կամ անհաւատից , օլօֆայ լէչքէրին . այլ եւ թէ 225
հարկ լինի եւ սրակասի դրամ սուրբ Պետրոսի ,
զիրա մեծ խարճ ունի շինուին , նա կու տայ .
թող զայլ ծածուկ ողորմութիւնքն որ մարդ
չի դիտէ , բայց միայն Աստուած :

Նաեւ եկեղեցիս շինէ ի բազում տեղիս 230
եւ այլ բարէգործութիւնս առնէ . զորս ի բազ-
մաց սակաւն գրեցի աստ : Եւ զծերն ընտրեն
եւ տարեցքն , որ հաղիւ չորս , հինգ տարի
ապրի : Սակայն ազգն չար եւ դառնացողք
հերձուածողաց բազում բանս եւ բանպասանս 235
բարբանջենն զնմանէ . բայց նա անպարտ է
յայնմ յամենայնէ . եւ զըսպարտողքն դատա-
պարտելոց են ի Քրիստոսէ յաւուրն ահեղին :

ՔԱՐՏԻՆԱԼՔ

Նմանապէս եւ քարտինալքն յոյժ փար-
թամք են եւ հարուստ . ունին քաղաքս , զիւղս 240